

Ленинэнь киява

ВЛКСМ-нь Мокшэрзянь обкомонтъ ды Саранскоень ошонь комитетэнтъ газетаст

АВГУСТОНЬ

6 чя,

1937 ие

№ 89 (763)

ЛИСИ

7-це ие

чинь ютазь

Тонавтнемань 1937—38 од иентень школатнень анок-чист проверямонтъ коряс „легкой кавалериянь“ рейдэнь ютавтомадо

ВЛКСМ-нь ЦК-нть ПОСТАНОВЛЕНИЯЗО

Тонавтнемань од иентень анок-стамосонтъ школатнень лезксэнь максомань цельтнесэ ВЛКСМ-нь ЦК-сь крайкомтизень, обкомтизень ды нацреспубликань комсомолонь ЦК-тненень мери августонь 5-це чистэнтъ 25-це чис весе школатнева ютавтомс „легкой кавалериянь“ рейд.

Тень кувалт ВЛКСМ-нь ЦК-сь кармавты:

1. Проверямс школатнень учительтнесэ укомплектованиянь коряс роботанть:

а) теес сень, штобу эрва школасонтъ улелельть сатышка учительть ды сынст кемекстамс школасо роботамо;

б) мекев тердемс школав сеть учительтнень, конат педагогическойстэнь тусть лия роботас, истя жо сеть ломантнень, конат педагогической училишатнень ды институттнень прядомадо мейле кучозь роботамо лия организация ды учреждения;

в) учительтнень моксомс лезкс эрвикс учебной пособиатнень, педагогической башка востростнень коряс литературань, истя жо классической литературань муемасонтъ анокстамосонтъ. Теес весе эрвикс условиятнень школасо учительт роботамо турсо ды сынст квалификацияст ды идейно-политической уровелест кастомань тевсэнтъ.

2. Проверямс, кода школатне обеспеченнойть учебниктизэ, учебной пособиатнесэ, письменной принадлежностнесэ ды сеть организациятнень роботаст, конат торговить неть пособиатнесэ.

ВЛКСМ-нь ЦК-сь комсомольской организациятнень кармавты вейсэ народной образованиянь отделизнь марто теес сень, штобу тонавтиятнень, сех пек велень школатнесэ, улелельть обеспеченнойть учебниктизэ ды учебной лия пособиатнесэ, организовамс государственной ды кооперативной сетьсэнтъ, истя жо книжной магазинтнесэ ды книгоиздательствань киос-

ктнэсэ учебникнень ды письменной принадлежностень микшнеманть.

Учебникнень ды учебной лия пособиань нолдыця предприятиянь комсомольской организациятнень ВЛКСМ-нь ЦК-сь кармавты организовамс решительной бороцямо нолдавикс продукциянь качествензо кис, теес сень, штобу авольть уле нолдазь берянь качествень учебникт, тетрадь ды письменной лия принадлежностъ.

3. Проверямс школьной библиотекатнень состояният ды примамс весе мератнень сенень, штобу сынст эйсэ улелель эрвикс литература, теке жо шикане добовамс школатнесэ од библиотекань тееманть.

4. ВЛКСМ-нь ЦК-ась мери истя жо проверямс:

а) од школатнень строямонь ды оборудованиань состоянианть ды качественть;

б) школьной помещениятнень ды инвентартнень витнемань качественть;

в) сень, кода школатнень учебной кабинеттне обеспеченнойть оборудованисо ды наглядной пособиатнесэ;

г) уштома-пелень анокстамонть ды ускоманть;


д) школатнень анокстамонть од тонавтиятнень примамонть ды тонавтиятнень лездамонтъ сексия повторной испытаниятнень анокстамосонтъ.

ВЛКСМ-нь ЦК-сь комсомольской весе организациятнень мери максомс эрва школатнень практической лезкс тонавтнемань ушодоманть школьной помещениань строямонть ды порядокс аравтоманть седе курок прядомасонтъ.

Комсомольской комитеттнень секретартнень кармавтомс, штобу сын инструкторавлизь активисттнень, конат кармить участвовать „легкой кавалериянь“ рейдсэнтъ.

Те решениянь печатамс газетатнесэ ды комсомольской весе печатентъ кармавтомс систематически невтемс рейдэнтъ молеманзо.

Исяк топодсть 42 иеть кода нулось Ф. Энгельс



Ф. ЭНГЕЛЬС (1820—1895)

Энгельсэнь эрямодонзо справка

Ф. Энгельс шачсь 1820-це иестэ прусской королевствань рейнской провинциясо Бармен ошсо. Сонзэ тетязо ульнесь фабрикант. 1838 иестэ семейной обстоятельством коряс гимназиянт апак прядт савсь тензэ араме барменской торговли вейке кудос товаронь микшницякс. Купеческой тевсэ роботамос эзизе лоткавт сонзэ научной ды политической образованиясонтъ эсь прятнь анокстамодонтъ. Сон эщо гимназистэкс улель эзизе вейке чиновниктнень произволост ды самодержавиянтъ.

1845 иестэ саезь 1847 иесшканть Энгельс ютавтязе Брюссельсэ ды Парижсэ, сюлмась научной занятиятнень практической тевтнень марто Брюсселень немецкой рабочейтнень ютксо ды Парижень рабочейтнень ютксо. Тесэ Марксонь ды Энгельсэнь отношенияст сюл-

мавсть тайной немецкой „Союз коммунистов“ организациянтъ марто, кона мерсь сынест изложить сынст эндо выработанной социализманть основной ушодовкстнень Истя эрямос лиссь Марксонь ды Энгельсэнь знаменитой „Коммунистической партиянь манифестэ“, кона печатазель 1848 иестэ. Те а покш книжкисесь ашти ламо целат томт: сонзэ мельсэ-превсэ те шкас эри ды моли икелев цивилизованной мирэнь весе организованной ды бороцця пролетариатось.

Мастор лангсонтъ весе эрямошканзо Энгельс ютавтязе робочей классонтъ ды весе лепштязь народонтъ олакстоманзо кис бороцямосонтъ ды капитализманть каршо бороцямосонтъ. Эрямонзо пес пачкодемс Энгельсэнь ульнесь пек покш работоспособностезэ ды энергиязо.

ПСИ ПАСИБА СТАЛИН ЯЛГАНТЕНЬ!

Дубенкань район. Кабай велень Каганович лемсэ колхозонь колхозница Куманева А. три-касты сисем эйкакшт. Государстванть пельде сонензэ неть читнестэ максом пек покш лезкс—2 тышат целковойть.

Куманева евтась авань пси пасиба сенень, кие истя пек мелявты эйкакштнень кис, аватнень кис, кие минек масторонь трудицятне-

нень макссь сюлав ды уцяскав эрямо—ине Сталиннень. Куманева мерсь, што сон эсинзэ эйкакштнень кастасынзе шумбрак ды кемекс, штобу сын покшгто касозь алкуксонь тевсэ идельлизь сынст кисэ истямо покш мелявтоманть ды штобу сын кармавольть уле-ме минек масторонтъ достойной церакс.

Е. Агеев.

Крайней Северэнь народтнэ тонавтинить кочкамонь закононтъ

Крайней Северэнь народтнэ покш активность марто толковать ды тонавтинить кочкамонь од закононтъ.

Населениянь разбросанностензэ лангс апак вано, Таймырской полуостровонь весе эриятне примить активной участия СССР-нь Верховной Советс кочкамотнень анокстамосонтъ.

Хатангской ды Авамской районтнесэ организоваз 9 кружокт то сон эриятнень эсист кельсэ Сталинской Конституциянтъ тонавтнемань коряс. Хатанга ды Волосянка велетнесэ саха, иганосант, не-

нецт (народностнень лемть) кунцолокшныть Советтнень Весесоюзной Чрезвычайной VIII-це Съездсэнтъ Сталин яланть докладонзо патефонной сермадовксонтъ.

Таймырской округсонтъ ламолгадсть первичной производственной объединениятне ды колхозтне. 1936 иень октябры ковсонтъ тосо ульнест 16 первичной производственной объединеният ды колхозт (эйсэст 323 хозяйстват). Ней тосо—57 объединеният ды колхозт, конатнес совазэ 890 хозяйстват.

(ТАСС).

В. И. ЛЕНИНЭНЬ ЦЕНТРАЛЬНОЙ МУЗЕЙСЭНТЬ

Августонь 1-це чистэнть Московсо, 3 недлянь перть витнемадо мейле, посещениянь кис панжозь В. И. Ленинэнь Центральной музеесь. Витнемань шкастонь музейэнть отделтнэ кой-мезень кувалт теезь лиякс ды эйсэст пурназь зярыя од питней документт. Те роботась ютавтозель Сталин ялганть указаниятнень коряс, конатнень сон максызе ВКП(б)-нь историянь учебникень составительтнень сермасонзо.

Ламодо лиякстомтозь ды поладозь од документнэсэ гражданско войнанть историянь отделэсь. Те отделэнтень пурназь документнэсэ ларсте невтезь Ленинэнь ды Сталинэнь ветямост коряс Советской од республикань трудицятнень бороцямост ашогвардейской бандатнень, омбо масторонь интервентнэнь ды заговорщиктнэнь—предательтнень ды шпионтнэнь каршо, конат теекшнест покш зыян Советской одреспубликантень. Волнениявтомо а кода ловномс В. И. Ленинэнь телеграмматнень конат страстно тердсть пощадавтомо бороцямост революциянь азаргадозь врагтнэнь—ашогвардеецтнэнь, кулакитнэнь, вредительтнэнь ды шпионтнэнь каршо.

Ванстадо прянк шпионтнэнь эйстэ!
— Маштомс шпионтнэнь!
Истямо заголовкатнень коряс В. И. Ленин ды Ф. Э. Дзержинский печатызь эсист пламенной обращения—республиканть весе трудицятнень революционной призывенть.

Пролетарской революциянь ине вожденть ды стратегенть исторической указаниятнэ аштити минек партиянь политиканзо основной ды неизменной содержаниякс революциянь врагтнэнь каршо, коммунизмань теветь торжестванзо кис сонэз бороцямосонть. Сынь гайгити грозной предостережениякс весенень, кие снартникедемс кеденэз пролетарской государстванть лангс ды, всяняк, международной фашизмань троцкистско-бухаринской наймитнэнь, неть подлой шпионтнэнь, диверсантнэнь ды маштницятнэнь.

Кода васень читнестяк, музейэнть ули пек покш популярностезэ ды сонэз пек вечкити минек родинань трудицятнэ. Музеенть залтнэсэ августонь 1-нь чистэнть улынесть 5000 седе ламо ломанть.

ВЕЛЕСЬ ЛИЯКСТОМСЬ

Эрва ие касы эрзянь Косогор велесь. Тосо ули НСШ, косто те истэнть васенцеде нолдасть тонавтницят ды конат арсить тонавтнэме эщо ды уш кучтнест заявленийт.

Те истэнть Косогорс строясть вадря клуб читальня ды икеле пелев арсить строямо десятилетка.
Мокшов Николай.
Бревиниконь район.



Июлень 30-це чистэ Московсо культурань ды оймсемань Горькоень лемсэ Центральной парко улынесть всенародной гуляния, кона алтазель ССР-нь Союзонь чугунокань кинь транспортонь Всесоюзной чинтень.

СНИМКАСОНТЬ. (вить эндо керш енов) СССР-нь сообщениань китнень Народной Комиссарось Л. М. Каганович ялгась, Советской Союзонь Геройтне В. П. Чкалов, Г. Ф. Байдуков культурань ды оймсемань Горькоень лемсэ Центральной парконь Зеленой театросо Московонь чугунокань кинь узань стахановецтнэнь—кривоносоевецтнэнь промксонть президиумсо.

Фотось Сабельниковонь (Союзфото).

КОЧКАМОТНЕ ЮТАВТОЗЬ ФОРМАЛЬНОЙСТЭ

Атяшевонь районсо первичной комсомольской ламо организациатнева улынесть зярыя асатыкст. Сынь улынесть секс, што райкомсонть роботасть народонь врагт, троцкист—Чернобровкин, Топтыгин, Карабасов, конат калавтсть комсомольской первичной организациатнень. Неть троцкистнэ смазывали комсомольской организациатнень инициаторской ды работоспособной ролект.

Отчетно-кочкамонь промкснэде мейле эрваволь бу учомс, што районсонть комсомольской организациатне живойгавтсызь ды лиякс-

томтсызь эсь роботаст, но аволь истя ашти теветь. Нейгак можна марямс, што Сабанчеевасо, Тарасовасо, Вечерлейсэ, Атяшевасо ды лия велетнесэ „организациатне удить“, „комсоргось а роботы“, „а ютавтнить комсомолонь промкст“ ды лият.

Те корты седе, што неть организациатнева кочкамотне ютасть формальнойстэ. Тарасовасо жо Васькинэнь таркас (идеологически невыдерженной) кочкасть истямо жо—Поляевень. Те парась (Васькин ды Поляев) кирдсть народонь заядлой врагтнэнь книгасть ды организовакшность неть книгатнень коллективной ловномка. Сталинской Конституциянь тонавтнэме жо эзь муйть шка. Истят сынт поступкатнеде РК-нь секретаресь Кузнецов соды, но мерат кодаткак а прими.

Вельнор.

Од ломантнень вешемаст а топавтыть

Кабай велень од ломантнень ули покш мелест, штобу парсте тонавтнемс военной теветь: максомс ГТО, ПВХО, ГСО, „ВС“ значоктнэнь лангс норматнень.

Сынь истя жо бажить ютавтнемс физкультурной занятият, но Осоавиахимень районной организациясь ды Кабай велень партийно-комсомольской организациатне од ломантнень вешемаст а топавтыть.

Курок ли тенень ули путозь це?

Веега Яне.

Дуб енкань р-н.

КОДА ОБЕСПЕЧИВАЕТСЯ ТРУДИЦЯТНЕНЬ ПРАВАСТ АРАВТОМС ЭСИСТ КАНДИДАТТ

(ПЕЗЭ. УШОДКСОЗО ПЕЧАТАЗЬ ЮТАСЬ № 2-сэ)

Буржуазно-демократическы мастортнэсэ обычно выступают буржуазной 2—3 партият, конат соперничать эсь ютковаст. Сынь самая аравтнить (намечают) кандидаттнэнь, кочкинянь келей массатне жо кадовкшныть ве ево. США-со кандидаттнэнь алкуксонь теветь назначакшныть „республиканской“ ды „демократической“ партиятнень центральной комитеттнэ, сынь овси а кевкснить кочкицятнень мелест. Англиясо, кода корты Р. Мюр профессорось, „рядовой кочкицятнэ обычно арась кодамоак эли малав кодамоак представлениязо седе, кода моли кандидатонть кочкамось“. Сеедьстэ предпочтения максневи сенень, кие может эсинэз лангс саемс кочкамонть коряс расходт эли максомс ламо ярмакт соответствующей буржуазной партиянь секретной фондс.

Кочкамотнень коряс расходтнэ жо капиталистической мастортнэсэ эрсить пек покшт. Англиясо эрва кандидатонть пельде вешевы за-

лог 150 фунт стерлингт (малав 3.750 целковойт—лиякс меремс истяня, зяршка эрси английской робочеенть цела иень приличной заработказо). Бути сон эсинэз кис пурны максозь вальгейтнэнь эйстэ вейке кавксоекс (1/10) пельксэденть седе а ламо, сестэ залогонзо мекев а макссызь. Тедэ башка, кочкамотнень коряс расходтнэ эрсить парламентэнь эрва членэнь лангс 1.000 фунтт стерлингтэ аволь седе аламо (малав 25.000 целковойт). Япониясо эрва кандидатонть пельде вешевы залог 2.000 иеват (3.000 целковойде аламо седе ламо); бути сон максозь вайгельтнэнь эйстэ эсинэз кис пурны вейке кемевцекекс (1/10) пельксэденть седе аламо, сестэ залогонзо мекев а макссызь. Франциясо кандидатонть лангс путовить кочкамонь бюллетентнень питнест пандомань расходтнэ: сонэз эрва соответствующей сумманть каямс 24 часонь перть.

Истят порядоктнэстаклагавтыть робочейтнэнь эндо кандидатонь

автоманть ды, мекейлангк, эрва кода тень шождалгавты скупатнэнь туртов, капиталистнэнь туртов.

В отличие буржуазной мастортнэде, минек масторонь избирательной законсонть мерезь, што СССР-нь Верховной Советс кочкамотнень марто скулмавозь весе расходтнэнь эсинэз лангс сан государствась (54-це статья).

Истямо ладсо, имущественной положениаськак, национальной происхожденияськак, сеяк, цера эли ава тон,—не могут улемс препятствиякс кочкамотнэсэ участианть туртов. Социалистической демократиясь теи весе условиятнэнь сенень, штобу народось олячисэ кочкавлнэз достойной ломантнэнь, конат способной бороцямс сонэз интереснэнь кис.

Кочкамонь законсь эрва организациатнень, кона аравтсь кандидат ды бути сон регистрировазь кочкамонь Окружной комиссиясонть, истя жо эрвагражданинэнтень максы права беспрепятственно агитировамс те эли тона кандидатонть кис.


Чаркодеви, што враждебной элементнэ снартыть кочкамотнэнь теветь ютавтомс сень туртов, штобу Советтнэс ускомс (протащить) эсист ломанть, конат чуждойть Со-

ветской властенень. Ней уш улыть кулят седе, што поптнэ, сектантской проповедниктнэ, раввинтнэ, мулатне ды лиятне вневгавтызь эсист деятельности ды ветить кочкицятнень вербовка, теветь нолдыть религиозной предрассудкатнэнь, конат улыть трудицян кой-кона пельксэнтэ ютксо.

Мезьсэ прядовить сынт происктнэ? Те педэ пев карми зависеть минек агитационной роботанть эйстэ. Сталин ялгась кортась, што „бути народось кой-косо кочкиняк враждебной ломанть, то те карми невтеме сень, што минек агитационной роботась аравтозь пек беряньстэ, ды минь педэ-пек заслужили истямо позоронть, бути жо минек агитационной роботась карми молеме большевикекс, сестэ народось эсь верховной органтнэс а нолды враждебной ломанть“.

Тестэ чаркодеви комсомольской организациатнень обязанностест—эсь шкасто максомс отпор враждебной эрва кодат происктнэнь, келейстэ ветямс агитационной работа весе трудица од ломантнэнь ютксо.

(Пезэ 3-це страницасо)



Большевицкой урожаень урядамось

СНИМКАСОНТЪ: Саранской райононь „Гигант“ колхозсо М-ской частень астерармеецнэ вануть комбайнать роботанзо.

Фотосъ Б. Волгинань.

Сюпав урожаесь урядазь парсте

Шугурова велень „Вейс“ колхозось розень урядомонть прыдызе июлень 25-це чистэнь. Роботаць организовазель вадрысто. Урожаесь урядазь шкасто ды емавстома. Истямо урожай Шугуриань эриятне а содыльть. Эрва гектарось среднейста максць 15—16 центнерт вадры качествань зерна. Колхозсонть ульнесь опытной уча-

сика, тосо эрва гектарось максць 25 центнерт зерна.

Розень нуема урядомо тевтнесь парсте роботасть звенатне, сын эсис нормаст эрва чистэ топавтыльть велькска.

Ней колхозникнэ анокстыть сенень, штобу истя жо шкасто ды емавстома урядамс ярвойтнень.

В. А. Аношкин.

Максомс колхозниктнэнень культурной оймсема

Кабаева велес клубонь заведующеесь Чаприн а вечки клубоякицятнень ды секс а эрсить клубсонть кодаткак постановкат ды лекциянь ловномат, лиякс меремс—свал панжоме эхсэ. Истя жо Чаприн седейста кирди панжоме эхсэ ловнома кудонтькак.

Колхозниктнэнень ды колхозникатнэнень эрви максомс культурной оймсема. Клубонь ды ловнома кудонь роботанть эрви вадрылгавтомс.

Кабаевский.

Дубенкань район.

Мекс апак топавто алтнематне?

Кабай велень школань дирекциясь ламо алтнесь кой-мезь тонавтницятнэнень эщо каникулав нолдамодоты икеле. Мень эхшелемань паро таркат, мень эйкакшонь чокшнеть ды ламо лият. Но мезеяк арасель ды арась нейкак.

Весе неть алтнематне эзть ютавтов тевс секс, што школасонть директорокс роботась народонь

врагось, троцкистэсь—Чиряскин. Секс пионернэ ютксоак арасель кодамояк дисциплина, антирелигиозной робота ды лият мезь.

Ней жо пионернэ кадозь ськамост. Вожатойтне Исайкин, Демяшкин, Матвеев пионернэнь ютксо роботанть стувтызь ды пионернэ оймсема шканть ютавтуть кода понгсь.

Юнкор.

Дубенкань р-н.

И. А. Ярославкин

Частушкат

Мон покш олясан, сюпаван,
Од кудосон патефон.
Сталин-минек родной тетя,
Максць тенек уцяска сон.

Колхозсо, паро эрямось,
Верде лиякс эжди чись.
Од ломантнэнень тонавтнемс
Келейстэ панжовозь кись.

Сура лейсэ ведесь томка,
Тува укшныть ламо калг.
Сайне велень колхозниктнэ
Весе рамсесть ловсов скалт.

Родной тетякс ине Сталин
Минек кисэ мелявты.
Секс ней минек эрямонок
Тундонь шкань садокс цвети.

Минь кенярлозь, веселасто
Мазый цепякс кастаню.
Вечкевикс ине Сталиннэнь
Покш пасиба кучтано.

(„Комсомольская правда“).

КОВЫЛКИНАНЬ РАЙКОМОНТЬ ПРЕСТУПНОЙ БЕСПЕЧНОСТЕЗЭ

Революционной бдительностень неуклонной кепедеманть, ды народонь врагтнэнь ды сынст агентураст каршо беспощадной бороцямонть коряс ВКП(б)нь ды ВЛКСМ-нь ЦК-тнэнь указаниаст комсомольской организациятнэнень ашти главной задачкас.

Особенна комсомолонь Ковылкинань райкомось должен ульнесь теемс выводт неть конкретной указаниастэ, секс, што Ковылкинасо ВКП(б)нь райкомонь секретаренть пост лангсо орудовась народонь врагось Евлюков, кона ветясь подлой предательской робота, эрва козонь аравтнесь враждебной ломанть, конатнень эйстэ эщо зярля лиядсть лангс апак тарга.

Но яла теке Ковылкинань райкомось кодаткак политической выводт тень эйстэ эзь тее. Политической сокор-чись ды беспечностэ нолдасть корент райкомсонтькак. Райкомось ды сонэ секретарезэ Имайкин ды политучебань отделень заведующеесь Ястребцев сень таркас, штобу комсомолецтнэнь мобилизовамс народонь врагтнэнь ды сынст лездыцятнэнь каршо бороцямом, сын сынсь по существу кармасть улеме чуждой ды враждебной ломантнэнь кекштыцякс ды сынест лездыцякс. Примеркс аштите, што народонь врагонт Евлюковонь эрва указанинзо Имайкин ловсь топавтомань кис неприложной законокс.

Ансяк секс Имайкин ды Ястребцев ветизь стака состояниас районь комсомольской организациятнэненэ организационно-политической роботанть. Сын калавтызь комсомолецтнэнь политической образованиаст ды кой-кона первичной организациятнэнь. Партиянь историянь основной моменттнэнь тонавтнема 6 кружоктнэнь роботы ансяк вейке. Политтонавтнемань 56 школатнэстэ кадовсь ансяк 17. Кочкамотнэнь самс ульнесь калавтозь колхозной первичной 13 организацият.

Имайкин ды Ястребцев сень таркас, штобу лангс таргамс народонь врагтнэнь ды сынст лездыцятнэнь ды панемс сынст комсомолонь рядтнэстэ, аравтнесь эйсаст руководящей комсомольской роботас.

Имайкинэнь инициативанзо коряс бюронь составс ульнесь кооптировазь Евлюковонь контрреволюционной группань участникесь Сиротин, кона потребсоюзонь базасо роботамсто салцесь товартнэнь ды бырдаьсь эйсаст „эсинэз“ ломантнэнень, истя жо Имайкинэнь ды Ястребцевнэнькак. Апак вано Сиротинэнь Евлюковонь группанть принадлежностень фактонть виде-чинэз лангс, сон июльковонть ютамс мик кадовкшнось комсомолонь райкомонть бюронть составс.

Райкомось парсте содасы, што Ковылкинань средней школань комсомольской организациянь комсоргонть Ванюшинань братозо лангс таргазь прок троцкист, сон те шкас кадовсь комсоргокс, кош ульнесь сигнал Ванюшинань братонзо марто сьулмавомадонть.

Теке жо организациянь комсомолкась Галкина 1928 иестэ ульнесь панезь комсомолсто троцкизмань кис, райкомось содасы теде, но не интересовался Галкинань алкуксонь физиономиясонзо.

Ежовской школань организациянь одс кочказь комсоргось, кода лиссь лангс, диверсантонть Кулагинэнь тейтерь ды ламо лият факт.

ВЛКСМ-нь Ковылкинань райкомонть боеспособностеде можна судямс сень коряс, кодат боеспособнойть сонэз башка членэнез. Саемс, примеркс, политучебань отделень заведующеесь Ястребцевень. Сон аволь ансяк кодатак мерат эзь примак народонь врагтнэнь лангс таргамо тевсэнь, сон сонсь теевсь малавикс ломанькс врагтнэнень ды жуликтнэнень. Сон уш седе мейле, кода лангс таргизь Евлюковонь прок троцкистнэнь, Ястребцев сонэз марто симнежнэсь винадо. Сон сьулмавозель уголовной преступникенть жуликтенть Сернов марто, кона взяткань ды государственной салазь ярмактнэзэ сьулмась эсинэз марто Ястребцевенькак.

Ды истя жо нельзя а невтемс Долгушевень тевенть. Долгушев эщо декабрь ковсто ульнесь ливтезь лангс прок народонь враг ды панезь партиясто, но ВЛКСМ-нь райкомось сонэз кирдизе комсомолсо се шкас, кода уш те тевенть лангс варштась ВКП(б)нь райкомось. Теде башка комсомолонь райкомось сонэз шнызе совхозонь помполитэкс, апак вант сень лангс, што сон уш ульнесь панезь партиясто ды таргазь лангс, прок троцкист.

Политической ротозействань, классовой чуткостенть емавтомань ды примиренчествань фактнэде мейле, истят ломантнэнь, кода Имайкинэнь ды Ястребцевень, кодаяк нельзя кадомс роботас.

Эрви педес лангс ливтемс неть ломантнэнь политической физиономияст, в частности Имайкинэнь, секс што сонэз истямо возмутительной поведениас максы покш сомнения сонэз партийной честностеденэз.

Ковылкинань тевенть кис покш ответственность должен кандомс комсомолонь обкомоськак. Ковылкинань районсо ульнежнэсть обкомонь бюронь аволь аламо члент, истяжо а пек умок ульнесь Ивановкак. Но яла теке обкомонь роботниктнэ ютнэсть неть фактнэнь вакска, кош ульнэсть сатышка сигнал. ВЛКСМ-нь обкомось парсте содасы Ковылкинань районной комсомольской организациянь стака состояниадонзо, политической образованиань калавтомодо, Имайкинэнь бездеятельностеденэз ды лиядо, но сень таркас, штобу витемс истямо положенианть, обкомось ды икелевкак Иванов, сех ответственной, отчетно-кочкамонь шканть ютавтомсто Имайкинэнь максць очередной отпуск, максць путевка курортов, конаньсэ безусловна седеяк сталкавтызь организациянь положенианзо.


Д. А. н.

Школась апак анокста

Куроксто ушодови тонавтнемань од иесь, но Кевде велень аволь полной средней школасо тевесь моли пек беряньста: а пенгк, а од вальмат а лият мезь анокстазь арасць ды эщо эзть кундакшнояк.

Школань директорось Карасев ды велень советэнь председателесь А. Сыркин а мелявтыть сень кис, штобу витнемс тонавтнема од иенть самс школанть.

П. Русекин.



ПРОЛЕТАРСКОЙ ДИВИЗИИ
ЛАГЕРЬТНЭСЭ
СНИМКАСОНТЬ: тактический заня-
тия. Пулеметось толонь позициясо.
Фотось Гановонь (Союзфото).

Кемекстазь государственной селекционной станциятнень сетесь

СССР-нь Совнаркомось 1937 иень июень 29-це чистэнь тейсь постановления „Зерновой культу-
рань видьметнегь вадрылгавто-
мань коряс мератнеде“. Тень ку-
валт ней кемекстазь государствен-
ной селекционной станциятнень
сеть 25 областка, крайга ды рес-
публикава.

Воронежской областсэнь кар-
мить улеме теезь государственной
селекционной 2 станцият: Талова-
со ды Чатиносо.

Курской областсэ селекционной
станциясь карми улеме теезь Хо-
мутовасо, Саратовской областсэ
—Саратовсо, Поволжьянь немец-
нень АССР-сэ—Красной Бутасо,
Белоруссиясо—Пережирсэ.

Калининской областсэ государ-
ственной селекционной станция
карми улеме теезь „Борьба“ совхо-
зонь базасо (Высоковской рай-
онсо).

Ивановской областень государ-
ственной селекционной станциясь
организовани Александровской
районсо, Ярославской областсэ—
„Освобождение“ совхозсонть, Ки-
ровской областсэ—Фаленки ста-
циясонть, Татарской АССР-нть—
Казаньсэ. Башкириясо государ-
ственной селекционной станциясь ор-
ганизовани Чишмы станциясонть.

(ТАСС).

Германиясо карми улеме кувалгавтозь роботамонь чись

Прага, июень 31-це чй. (ТАСС).
Чехословацкой газетатне серма-
дыть седе, што Германиясо куток
карми улеме теезь 60 часонь ро-
ботамонь недля. Трудонь герман-
ской министрстванть печатень
бюронь вачальникесь Мюниц неть
читнестэ официально являвтьсэ
седе, што маласо шкасто Герма-
ниясо роботамо чись карми улеме
пачтезь 10 часос.

ПАРТИЗАНСКОЙ ВОИНА ИСПАНСКОЙ МЯТЕЖНИКТНЭЪ ТЫЛСЭ

Лондон, (ТАСС). „Дейли Уор-
кер“ газетась печатась покш
статья испанской мятежничтнень
тылсэ партизанской войнадонть.
Газетанть валонзо коряс, партизан-
ской войнась гражданской вой-
нанть ушодовома шкастонзо эзь
лотксе се территориянь лангсо,
конань саизь мятежничтнень.

Газетанть валонзо коряс, Се-
виллянь перька пандов районось
ней ашти партизанской пек виев
гойнань аренак, конань ветить
испанской правительстванть малав
5 тышат сторонниктнень. Неть пар-
тизантнень тусть пандтнэ зярязь ков-
до икеле. Сынь ютавтыть тевс
прикрытиятнень эрва дюйманть,
пандонь эрва выступонть ды эрва
скаланть. Партизанокс туемстэ
сынст ульнестэ охотникень ташто
ружияст. Ней сынст улить герман-
ской пулеметост ды винтовкаст,
конатнень сын саизь мятежничт-
нень кедьстэ рукопашной схват-
катнеде мейле.

Неть партизантнень содасызь тар-
канть, прок эсист вете сурост.
Сынест лезды населениясь, кона

максы тенст продовольствия ды
бути эрвыи кекши сынст. Неть пар-
тизанской отрядтнэсэ Рио-Тинто-
нь медной рудниктнень горняктнень,
Андалузиянь покш поместиятнень
велень хозяйствань робочейтне ды
лият. Сень кувалт, што сеть рай-
онтнень населениясь, конатнень
саизь мятежничтнень ды интервен-
тнень, ашти партизантнень ено, пар-
тизанской движениась касы. Гене-
рал Франко кирди малав 100 ты-
шат салдат фронтнень эйстэ ва-
соло партизантнень каршо боро-
цямонь туртов. Франко весе виен-
зэ пугы, штобу кармавтомс кресть-
янтнень партизантнень лезда-
монть лоткавтомо, но тень эйстэ
мезежк а лисе.

Партизанской движенианть мар-
то вейсэ, сермады седе тов газе-
тась, аволь седе вишка важносте-
зэ испанской правительстванть
енов мятежничтнень рядтнень эй-
стэ дезертирствань касоманть.
Меельсь недлятнень перть респу-
бликанецтнень енов ютасть малав 2
тышат мятежничт кедьсэст оружия
марто.

Бэйпин—Тяньцзиньской районко военной действиятне Пеле-чи ено Китайсэ напряженной положения

Бэйпин—Тяньцзиньской районко
военной действиятне молить икеле
ладсо. Августонь 2 чистэ Баодин
ошонть (Хэбэй провинциянь сто-
лицась) японской самолеттнень бом-
бардировизь одов. Баодинэнь ва-
сень бомбардировкастнень, кона
ульнесь июлень 30 чистэ, маш-
тозь аватнеде ды зйкаштнеде 100-до
ламо, истяжо допрок тапазь стан-
циясо аштица 4 поездтнень.

Японской 4 самолеттнень бомбар-
дировизь Чзинхай ды Тангуань
тунь ошнтнень (Тяньцзиньтнень эйстэ
пеле-чи ено).

Июлень 30 чистэ Наньюаньсэ
(Бэйпинэнь маласо) японской вой-
скактне кармасть молеме пелеве
ено—чи валгоманть пелев Бэйпин
—Суйюаньской чугунокань кинть
кувалт.

Тяньцзиньсэ меельсэ читнестэ
ульнестэ зярязь столкновеният
японской войскактнень ды лия мас-
торонь гарнизонтнень ютксо, ко-
нат ванстыть лия масторонь кон-
цессиятнень. Лия масторонь кон-
сульствактне макстыть распоряжени-
ят эсист гарнизонтнень а нолдтне-
мс японской войскактнень эсис
концессиятнень территорияст вел-
ьска, мезесэ столкновениясонть
ульнеськак основной тувалокс.
Истя июлень 31 чистэ ульнестэ
столкновения японской ды фран-
цузской войскактнень ютксо.

Тяньцзиньской телефонной стан-
циянь 2 ды 5 отделениятнень бом-
бардировамодост мейле японской
командованиясь августонь васень
чистэ кучсь эсист агентнень груп-

па телефонной станциянь зданиясь
ды ускизь тосто весе аппарат-
тнень ды оборудованианть, конат
кадовсть целат бомбардировка-
донть мейле.

Английской печатанть куляизо
коряс, Тяньцзиньской районко
меельсэ 3 недлятнень перть уль-
нестэ кучозь японской 24 тышат
войскакт.

Напряженной положениась теевсь
Пеле-чи ено Китайсэ, косо японецт-
нень ветить военной виев анокста-
мот. Китайской ведьтнэсэ аштить
японской военной 10 кораблят.
Сватоу портовой ошонь китайс-
кой властнень кармавтыть эрва
семияс анокстамс продовольст-
виянь ды ведень запаст, истя жо
ветень-ветень мешокт песок ук-
реплениятнень теемаст туртов.

Японецтнень вешить Сватоусто
китайской войскактнень эвакуа-
циянт. Тень кувалт китайской на-
селениянт ютксо теевсь волне-
ния. Японской фирматнэсэ китайс-
кой тышадо ламо служащейт яво-
лявтьсэ всеобщей забастовка. Служа-
щейтне вейсэндясть китайской
мориктнень марто, конат отказаст
японской пароходтнень чамдома-
дост. Пеле-чи ено Китайсэ покш
ошонть—Кантонсо торговой ор-
ганизациятне тейсть решения лотка-
томс Япония марто экономической
связьтнень ды отказаст японской
товартнэсэ торговамо. Кантонс-
кой мориктнень союзось истяжо
примась решения а чамдвекшемс
японской пароходтнень.

(ТАСС).

Пеле-ве ено Китайсэ положениась

Лондон, августонь 4-це чй.
(ТАСС). „Таймс“ газетанть шан-
хайской корреспондентсэ серма-
ды, што японецтнень Бэйпин—Тянь-
цзинь районсонть панизь китайской
войскактнень. Японской войскактне
апак лотксе яла сыть Северной Кита-
ев. Шанхайсэ пелить, што японской
флотось, военной операциятнень
молемань шкастонть карми дей-
ствовать Циндасо ды Фучжоусо.
Впечатлениясь истямо, сермады
корреспондентсэ, што японецтнень
аюкстыть пек седе покш опера-
цияс.

Китайской источниктнэстэ све-

дениятнень коряс, японской вой-
скактне маштсть зярязь сядо кре-
стьянт, сынст чумондсть сеньсэ,
буто сын мешаст Бэйпинэнь ды
Тяньцзиньтнень ютксо чугунокань ки-
ява движенианть.

Нанкинкой войскактнень 89-це
дивизиясь августонь 3-це чистэнь
ютась Паньюку станциянт трокс
ды ней лоткас Бэйпинэнь эйстэ
24 километр седе ве енов. Вой-
скактне, бульчом; аюкт ушодомс
японецтнень каршо бороцямо. Те
дивизиянт частьнень марто по-
ездтнень ки лангсо бомбардиро-
визь японской самолетт.



Советской Союзонь столицась
СНИМКАСОНТЬ: Московсо Малой
Дмитровкасо робочей од ломанень теат-
ранть зданиясь.

Китайской печатесь— Тяньцзиньсэ советской консульстванть лангс каявомадонть

Китайской печатесь августонь
4-це чистэнь нолдась васень со-
общения Тяньцзиньсэ Советской
консульстванть лангс русской
ашогвардеецтнень ды японецтнень
бандитской каявомадост. Газетат-
не тешкстыть, што бандиттнень
отрядось, конатнень нолдызь япон-
ской войскактне, грузовиктнэсэ,
винтовкатнень ды пулеметтнень
марто, ардсь консульстванть.
„Бандиттнень—сермадыть газетат-
не,—грабизь весе сень, мезе мож-
на ульнестэ саемс, ды тоско тапизь
весе сень, мезень а кода ульнестэ
саемс эсист марто. Консульствась
ней неяви истямокс, буто сонзэ
лангс каявкшность первобытной
дикарьт.“

(ТАСС).

Испаниянь фронттнэсэ

Гвадалахаранть маласо респу-
бликанской войскактне августонь
4-це чинть каршо вестэнь тапизь
противникень атаканть. Августонь
3-це чинть каршо вестэнь Мад-
ридэнь лангс леднест мятежничт-
тнень артиллерия. Маштозь вете
ломанть, равязь 20.

Карабанчелень секторсонть рес-
публиканской войскактне тапизь
мятежничтнень атакаст, конат
снартнест мекев саемс сеть по-
зициятнень, конатнень сын емав-
тызь меельсэ читнестэ.

Августонь 3-це чистэнь пра-
вительственной самолеттнень бом-
бардировизь Алхисерасо мятеж-
ничтнень укрепленияст ды тяже-
лой орудиятнень, коват аравто-
зельть Гибралтаровть каршо.

Редакционной коллегия.